



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1649

§. 1. Dania in genere, le Dannemark.

urn:nbn:de:hbz:466:1-13167

Duché de Curland.	Godlinga: <i>Godlingen</i> , vbi aliquando commoratur Dux Curlandiæ, creditur primaria Ducatus ad Fl. <i>Vin-</i> <i>douu.</i>
SEMI- GALLIA	MITAVIA: <i>Mitauu</i> , aut <i>Mitouu</i> , vbi ferè dedit Dux Curlandiæ in loco irriguo condita.
Semi- gallen.	Soilemburgum: <i>Solembourg</i> , arx & præfectura. Doblinum: <i>Doblen</i> , castrum perelegans.

C A P V T VII.

Regnum Danicum.

FX duobus regnis conflatum est Danico & Noruegico, quæ quando firmius coaluerint suprà docuimus. Cùm ergo sub Christiano primo Sueci defecissent, & in rebellionis communio nem Noruegi venissent, postea pollicitationibus huius Christiani reuocati sunt, & exinde in fide perstiterunt, atque eorum ope Rex Daniæ vindicauit sibi, aut detexit Insulas, de quibus postmodum in Noruegiâ agemus.

§. I. Dania in genere, le Dannemark.

N V M. I. Nomen.

NOMEN credunt omnes à Dano primo Danorum Rege deductum, id è que dictam *Danmarchiam*, quasi *Terram Dani*. Philippus tamen Cluuerius, ut suprà in veteri Scandia notauiimus, hoc nomen primò deducit à voce *Theuth*, quæ Deum sonat, & postea à Saxonibus *God*, vnde qui antea *Theutoni* dicti *Godani*, ex quo primâ syllabâ expunctâ Dani dicti sunt. Alij à voce *Daneman*, quæ dictio viros aquosos significat, à voce *Aha*, quæ illis est fluuius.

N V M. 2. Quantitas.

QVANTITAS Daniæ non satis commodè proferri potest. Quia multas Insulas complectitur, & continens crebris æstuariis lancinatur, si tamen ex cælo terræ mensura colligi potest, eius *latitudo Geographica* desumitur à gradu 54. ad 57. cum dimidio, ac proin-

X iiij

de, inclusis maribus, continet 210. mille passus, leucas nostras 105. Germanicas 52. cum dimidia. *Longitudo* vero est graduum ferè decem qui ad magnum circulum reuocati reddunt circiter millaria 300. leucas nostras 150. Germanicas 75.

N V M. 3. *Qualitas.*

SOLVM h̄ic depresso & palustre, quare Dania pascuis abundant, campi miræ fertilitatis, & quæ Batauis ferè frumentum omnē sufficiat; aër satis purus, vnde omnes ferè Dani ingeniosi.

MERCES. Equi vegeti, ac valentes, butyrum, adeps, boues prægrandes, & pinguissimi, ligna abiegnæ ex Sconia ad malos, quibus Bataui, Galli, Hispani carere non possunt.

DIVITIÆ Regis in duobus sitæ sunt, in Sundicis Faucibus, & vœtigalibus impositis armento quod ex Daniâ in Germaniam traducitur. Sub initium huius sœculi hæc duo conficiebant 12. librarum Turonensium millions cum 700. millibus, nunc ad 15. millions Regis vœtigalia dicuntur excresuisse. Centum naues armare, & 30. armatorum millia potest educere.

N V M. 4. *Mores.*

DANI sunt hospitales, & olim pugnaces, nunc eorum virtus nonnihil clanguit, & ad merces & lucra potius inclinant. Laboris patientissimæ sunt fæminæ. In conuiuia, & ebrietatem paulò propensiores.

N V M. 5. *Politia.*

REX eorum primus Danus ex Sueciâ oriundus & potitus aliquot Insulis à Iutiis in auxilium euocatus est; is cùm hostes retudisset totius Daniæ Rex effeetus est. Fuit olim hic status ex Aristocratico temperatus, quare ab optimatibus Christiernus est datum in custodiam, sed hoc iugum excussum sicut & imperij, nisi pro Ducatu Holsatiæ. Olim in totam Europam bella circumferebant, quare dicitur Hibernia ab iis octies debellata, Anglia decies, Scotia, & Saxonia aliquando factæ vœtigales, Suecia duodeviginti præliis attrita, ut h̄ic de Gallia taceam, quæ inuita coacta est Normannos recipere: nunc autem scese continent limitibus regni sui.

In quinque ordines status ille distribuitur. 1. est familiæ Regiæ: Rex olim eliebat, sed semper ex eadem familiâ. 2. Nobilitatis ex quâ Senatores assumuntur, & præcipui magistratus, ut Præfetus Aulæ, Mareschallus, Admiralius, Cancellarius, Præfetus ærarij, &c. 3. Episcoporum, & Cleri. 4. Ciuium & Mercatorum, ex quibus urbium Senatores, Episcopi, Pastores, Scribæ. 5. denique Rusticorum quorum alij liberi coloni dicti Fribunder, alij penè serui. Olim in Præfecturas 184. diuidebatur, quas Hæret nominabant.

N V M. 6. Relgio.

OLIM admodum Catholica Dania, sed Lutheri fæces inductæ per Fridericum primum substitutum in locum Christierni, ut Protestantes sui regni fautores haberet. Ceremoniæ itaque hîc retentæ sunt, & quamquam Caluinistæ huc irreperserint, impediunt tamen Ministri, ne hîc quidquam possint.

§. 2. De Noruegia.

N V M. 1. Nomen.

NOMEN habet à voce *Veg*, quæ viam sonat, quasi via in Septentrionem. Antea Nortmannia nuncupabatur: ut in Scandia diximus, quæ etiam vox viros Septentrionales significat.

N V M. 2. Quantitas.

QVANTITAS porrigitur à gradu latitudinis 58. ad 72. ac proinde sic continet 840. millaria, seu leucas nostras 420. Germanicas 210. Suecicas 140. Longitudinis autem diuersimodè spectatæ 15. gradus assumes, qui sub gradu 60. reddunt 450. millaria, leucas nostras 225. Suecicas 150.

N V M. 3. Qualitas.

REGIO est perfrigida ob montem Sueuonem quem Alpes alij vocant, ventos repercutientem. Frumento caret, eoque tantum ytitur importato, ideoque tantis priuilegiis ornatæ Bergæ.